

## Tup ηaiye Jems nainge

<sup>1</sup> Njam Jems, miye wah tikin Got, topo e Lahmborenge Jisas Krai. Njam mende ma member wusyep hriphrip nam mil me lenge miye tuweinge tikin Got ηaiye yarp yal e yal e kekep lalme. Nau bwore me yip lalme.

### *Nondol me ka ende bongolme ηoihmbwaip yip*

<sup>2</sup> Lenge to tatai nam, yip pa ηoihyeryembe bwor-erme ηupe ηaiye nondol me wula wula ka ot me yip.

<sup>3</sup> Yip pa sisyeme ηupe ηaiye nondol me ka ote ondol me ηoihmbwaip mise yip pe, luku ka ende bongolme yip no, pa junde wusyep mise tikin Got.

<sup>4</sup> Pa junde wusyep tikin Got pe, luku ka ungewisme yip ηaiye pa jin bongole yende mi mi ηaiye ηai e ηai e luku ka ot me yip. Mi e pe, pa yurp bwore bwarme mi supule.

<sup>5</sup> Kom lahmende ηaiye sehei me sande teke e pe, ka isilihme Got ηaiye ka aña e kin. Detale, Got, kin hriphrip nembere supule ηaiye ka angange sande teke e el lenge mitinj lalme. Yukur ka ihyele lenge miye tuweinge ηaiye ka yisilihme sande teke e.

<sup>6</sup> Kom ηupe ηaiye yip pa yisilihme Lahmborenge pe, yukur pa ηoihyeryembe wula wula, ηoihmbwaip yip ka teñei bongol me Got ηilyehe si. Lahmende ηaiye ηoihyeryembe wula wula pe, kin ta e ηoloh pinip ηaiye kotou no, yohe wenge wale wat.

<sup>7</sup> Miye ηaiye bunjenge ηoihmbwaip kin ta e luku pe, yukur ka ηoiheryembe nange Lahmborenge ka si aña e ηainde, pakai.

<sup>8</sup> Noheryembe kin nal e nal e pe, ηai e ηai e ηaiye kin ηende, yukur kin gande ηahwikin esep ilyeh, pakai.

*Naipwa ηi topo e miye lowe*

<sup>9</sup> Lenge Kristen miye tuweinge ηaiye sehei e ηai e ηai e pe, tinge ka hriphrip yil yunuh hla ηaiye Got ka ahra e nan tinge.

<sup>10</sup> Topo e lenge Kristen miye tuweinge lowe pe, ka hriphrip ηaiye tinge si tale tititinge yarp tuwihme Kraisi. Detale, tinge topo e ηai e ηai e tinge ka talai hwihwai tu e ηaiye yuhurnge tiye.

<sup>11</sup> Npupe ηaiye ηau ηowor e dainge nal gah namba e lou yuhurnge luku pe, yuhurnge ki tiye nal gah kekep pe, yuhurnge ηaiye mi supule luku mi e ko. Ka ηahilyeh me lenge miye lowe, tinge teter yende wah tetehei nihe, kom nilyehe sai tinge ka yule pe, ηai e ηai e lalme tinge luku ka talai.

<sup>12</sup> Got ka ende mi me lenge miye tuweinge ηaiye yarp ηumwaiye ηpupe ηaiye ηondol me natme tinge. Detale, mindemboi se ka yamba e laip bwore ηaiye Got somohonme ηupwai e wusyep me lahmende ηaiye yende nihararme kin.

<sup>13</sup> Npupe ηaiye ηondol me ka otme miye ende no, ka amba e nihe syohe pe, yukur kin ka ininge tu e le e na, “Nondol me luku natme Got.” Miye pupwa Satan yukur tatame ηaiye kin ka se ondol me Got, topo e Got yukur tatame ηaiye ka se ondol me miye ende, pakai.

14 Kom ɲupe ɲaiye ɲondol me natme miye ende pe, kin tambe gande ɲoihmbwaip pupwa kitikin.

15 Tukwini ɲam da mininge wusyep tapimbilme le e. ɲoihmbwaip tahar ɲaiye ɲende pupwa pe, ki ta e ɲaiye tuwei wusye e talah no, ti wara e. ɲoihmbwaip pupwa luku ki tahar embere pe, ki ɲende ɲai e ɲai e pupwa pe, ɲai e ɲai e pupwa luku ɲende kin nule.

16 Lenge to tatai ɲam, yukur pa yusme ɲoihmbwaip pupwa yip ka kete yip enge el e el e.

17 ɲai e ɲai e bwore lalme topo e yitini bwore lalme nase moi hla gah. ɲai e ɲai e bwore luku natme Got, miye e e ɲaiye ɲende ɲai e ɲai e bwore yirise ɲaiye sai nanah ɲaitem. ɲau ki nowor e nal mi e pe, ki na tase. Wundehei ti wowor e mi e pe, ti wa tase. Kut Got pakai, ki sai ɲahilyeh nye nyermbe.

18 Kin ɲasande nange poi ya murp tu e talah kin pe, kin ka orp tu e yaɪ poi. Pe kin nember wusyep mise kin natme poi pe, ɲoihmbwaip poi teɲeime kin. Ta e luku pe, ɲupe ɲaiye Got si ɲende ɲai e ɲai e lalme pe, kin nalanatme poi miye tuweinge ɲendehei kitikin.

### *Poi ya musyunde wusyep pe, ya gunde*

19 Lenge to tatai bwore ɲam! Yip lalme ɲoihmbwaip sai pe, yusyunde wusyep bworerme, kom yininge wusyep ɲumwaiye, topo e yukur pa yende ɲoihmbwaip nihe hihwaiye, na pakai.

20 Miye ende ɲaiye ɲende ɲoihmbwaip nihe hihwaiye pe, kin yukur bwore bwarme nal ɲembep tikin Got, pakai.

21 Pe yip pa yusme ɲoihmbwaip pupwa yip topo e ɲai e ɲai e pupwa lalme ɲaiye yip yende. Yember ɲoihmbwaip yip yilme Got pe, yamba e wusyep mise kin ɲaiye kin ɲenete sai nato ɲoihmbwaip yip. Detale, kin se ka amba e yip ɲaiye pa yusyunde wusyep kin.

22 Pa ɲoiheryembe wusyep e e bworere no, pa junde. Yukur pa yusyunde ɲilyehme. ɲaiye yukur pa junde wusyep pe, yip hombo e yehme yip tip.

23 Miye ɲaiye ɲasande wusyep no, yukur kin gande pe, kin ta e miye ɲaiye ɲeteke e ɲembep mohro kitikin nal pinip yipihinge.

24 Kin ɲeteke e ɲembep mohro kitikin bworerme mi e pe, ɲupe ɲaiye kin nember pinip yipihinge nal no, kin nal pe, nilyehe sai kin si ɲoihsipe ɲembep mohro kin ta e lai.

25 Kom miye ende ɲaiye ɲoihmbwaip kin teɲeime wusyep erɲeme bwore mi supule tikin Got ɲaiye ɲende kin narp hlaininge no, ka gunde wusyep mise luku, topo e yukur ka ɲoihsipe wusyep mise ɲaiye kin ɲasande mi e pe, Got se ka ende mi me kin me ɲaimune luku ɲaiye kin ɲende.

26 Miye ende ɲaiye ɲanange nange kin si bwore bwarme nal ɲembep tikin Lahmborenge, kom yukur kin ɲembepeteme mut kin pe, kin hombo e ɲiyehme kitikin. Ta e luku pe, ɲoihmbwaip kin ɲaiye teɲeime Lahmborenge topo e lotu kin na luh paka pakaiye.

27 ɲaimune bwore bwarme ɲaiye Yai Got ɲasande ya mende pe, poi ya membepeteme lenge talah wuhliye, topo e lenge tuweinge ɲope me ɲaimune ɲaiye tinge sehei e. Poi ya minge wahri poi

mosokome ɲai e ɲai e pupwa kekep e e ɲaiye ka upwai e poi.

## 2

*Noihme ɲaiye pa yende nihararme miye lowe, kut pa yiche yumbune lenge ɲaipwa ɲi*

<sup>1</sup> Lenge to tatai ɲam! Noihmbwaip yip si teɲeime Jisas Kraiss, Lahmborenge poi, kin miye ɲaiye yirise supule. Ta e luku pe, ɲoihme ɲaiye pa yende nihararme lenge miye ɲaiye yamba e naɲ embere, kut yip pa yiche yumbune lenge ɲaipwa ɲi .

<sup>2</sup> O ɲupe ɲaiye miye lowe ende dende hihiyilih bwore, topo e miye ɲaipwa ɲi ende hindi yate yoto yukoh lotu.

<sup>3</sup> Pe yip pa hriphrip me miye ɲaiye dende hihiyilih bwore pe, yip pa yinime kin tu e le e na, “Iyai, ote orp luh bwore le e.” Kut pa yinime miye ɲaipwa ɲi tu e le e na, “El gin el liki” lakai “Ote orp guh kekep sehei me ɲihip ɲam.”

<sup>4</sup> ɲaiye pa yende tu e luku no, pa yiche yumbune ɲaipwa ɲi pe, yip yende pupwa. Pe luku ta e ɲaiye yip yiyar e lenge Kristen sye topo e ɲoihmbwaip pupwa yip. Yip yukur ɲoiheryembe nange poi lalme ɲahilyeh no, pa yende bwore me tinge, pakai. Yip yiyar e tinge jande ɲoihmbwaip pupwa yip.

<sup>5</sup> Lenge to tatai ɲam, yusyunde! Yip sisysteme bworerme nange Got somohonme si nalanatme ɲaipwa ɲi ɲoto kekep lalme ɲaiye tinge ka pa-pararme ɲoihmbwaip bwore kin. Kom lenge haiten yeteke e tinge nange tinge pupwa luh paka pakaiye. Kut somohonme Got ɲupwai e wusyep

nange ka ende mi me tinge. Detale, tinge yende ni-hararme kin no, ka yila yurp yoto lemame kitikin.

<sup>6</sup> Kom yip yangange hi e yal lenge ɲaipwa ɲi. Ɗoiheryembe bworerme, lahmende ɲaiye tawe yip no, kin yal yip mane, topo e kin kete yip nal kot? Ɗai uku lenge miye lowe yende.

<sup>7</sup> Kom lenge miye lowe yanange wusyep hi e, topo e wusyep molohe yalme Jisas Krai. Kut Got si nalanatme naɲ bwore tikin Krai nal me yip.

<sup>8</sup> O ɲaiye yip pa yusyunde wusyep erɲeme ɲendehei tikin Lahmborenge no, pa yende junde pe, wusyep ɲaiye sai nato Tup tikin Got ɲanange na, “Ende nihararme lenge to tatai tu e ɲaiye nin ɲende nihararme nitei.” Ɗaiye pa junde yaɲah uku pe, yip yende mi supule.

<sup>9</sup> Ɗaiye na iyar e lenge miye lowe nange tinge bwore, kut lenge ɲaipwa ɲi pupwa pe, luku nin si ɲende hwap, topo e ni nowor e wusyep erɲeme.

<sup>10</sup> O lahmende ɲaiye gande wusyep erɲeme lalme, kom kin ɲowor e ende pe, luku ki ta e ɲaiye kin si ɲowor e wusyep erɲeme lalme.

<sup>11</sup> Yip sisyeme ɲaiye Got ɲanange ta e le e na, “Yukur yip pa yende niɲ pinip yar.” Topo e ki plihe ɲanange na, “Yukur yip pa yonombe miye ende, na pakai.” Kom ɲaiye yukur yip yende niɲ pinip yar, kut yip yowor e wusyep erɲeme ɲaiye yonombe miye pe, yip si yowor e wusyep erɲeme lalme.

<sup>12</sup> Ta e luku pe, wusyep ɲaiye pa yininge, topo e ɲaimune ɲaiye pa yende pe, ɲoiheryembe na, min-demboi pa jin wusyep me ɲaiye yip yende ni-hararme lenge mitiɲ, lakai pakai. Pa junde

wusyep erneme ηaiye pa yende niharar lenge mitin pe, pa yurp hlaininge.

<sup>13</sup> ηaiye miye yukur ηoihsipe hwap miye ende pe, Got yukur ka ηoihsipe hwap miye uku. Kom miye ηaiye ηoihginirme miye ende pe, se ka yohe wusyep.

*Yusyunde wusyep pe, pa yende junde*

<sup>14</sup> Lenge Kristen to tatai ηam, ηaiye miye ende ka ininge na, “ηoihmbwaip ηam teηeime Kraiss”, kom ηaiye kin yukur ηende ηoihmbwaip bwore pe, ηoihmbwaip kin ηaiye teηeime Lahmborenge pupwa luh paka pakaiye. Pe luku yukur ka ungwisme kin ηaiye ka yohe kot tikin Got mindemboi. Pakai supule.

<sup>15</sup> ηupe ηaiye lenge to tatai sye, lakai moihe mihyen sye sehei e hihiyilih ηaiye tinge ka dende, topo e tinge sehei e ηai pe, nin na ini lenge tu e lai?

<sup>16</sup> Tatame ηaiye na ini lenge tu e le e na, “Pa yil pe, Lahmborenge ka orp topo e yip! Yip pa hriphrip ηaiye pa dende hihiyilih bworere, topo e yono ηai embere.” Kom yip yukur yangange ηaimune ηaiye ka ungwisme tinge. Tinge teter sehei e ηai e ηai e.

<sup>17</sup> Bilip ki ηahilyeh ta e luku. ηaiye bilip yip yukur yende bongolme ηoiheryembe yip no, yukur yip yungwisme lenge miye tuweinge pe, bilip yip pupwa luh paka pakaiye.

<sup>18</sup> Miye ende se ka ininge na, “Mitin sye, ηoihmbwaip tinge teηeime Lahmborenge, kom mitin sye, tinge yende ηai e ηai e bwore bwore.” ηam manange na, ηam yukur meteke e bilip yip ηaiye yukur yip yende ηai e ηai e bwore bwore.

Kom ñam ma yisam yip bilip ñam gunde ñai e ñai e bwore ñaiye ñam mende.

<sup>19</sup> Yip sisyeme nange Got kin ñilyeh, kin narp. Luku mise! Kom lenge yipihinge pupwa topo e, tinge sisyeme pe, tinge hi jarngé kin supule.

<sup>20</sup> Yusyunde, yip kwote! Yip pa sisyeme na, ñaiye miye ende ka ininge na, “Ñoihmbwaip ñam teñeime Got.” Kom ñaiye yukur kin ñende ñai e ñai e bwore bwore pe, bilip kin nal luh paka pakaiye.

<sup>21</sup> Mwan poi Abraham de ka onombe Aisak, talah kitikin no, ka ende ofa elme Got. Ta e luku pe, Got ñeteke e ñaimune ñaiye Abraham ñende pe, kin galme kin miye bwore bwarme.

<sup>22</sup> Ñoiheryembe bworerme. Bilip Abraham topo e wah ñaiye kin ñende gande wusyep tikin Got pe, luku tinge hindi hoime jahilyeh pe, ki sasambe bilip kin nal halhale.

<sup>23</sup> Pe luku ki gande wusyep tikin Got, ñaiye ñanange na, “Abraham, ñoihmbwaip kin teñeime Got pe, Got galme kin miye bwore bwarme.” Topo e Got galme kin ñimeí kin.

<sup>24</sup> Yip yeteke e, yukur ta e ñaiye ñoihmbwaip mise kin ñilyehme pe, Got galme kin bwore bwarme, pakai. Kin ñende wah topo e.

<sup>25</sup> Ki plihe ñahilyeh ta e tuwei yañah Rahap ñaiye wende. Ti wamba e lenge miye Israel wenge wosokome lenge wachaih pe, ti wember lenge yal yañah ñoinde mwan. Ta e luku pe, Got galme ti tuwei bwore bwarme.

<sup>26</sup> Ñahilyeh ta e wahri miye. Ñaiye yipihinge tikin Got uku tas nasme wahri miye pe, kin



nule ko. Topo e plihe lahmende Kristen ñaiye ñoihmbwaip tinge teñeime wusyep Lahmborenge, kom yukur tinge yende jande wusyep kin pe, se ka talai.

### 3

#### *Poi ya ñoihme mut poi*

<sup>1</sup> Lenge to tatai ñam, yukur yip pa lalme yende wah tikin jetmam. Detale, ñupe ñaiye Got ka iyar e lenge miye tuweinge pe, ka iyar e lenge jetmam ñembere sekete e unuh hla me ñaiye ka iyar e lenge mitiñ sye .

<sup>2</sup> Poi Kristen lalme ñup sye poi mende pupwa. O ñaiye miye ende, kin yukur ñanange wusyep pupwa, pakai, kin narp bwore pe, kin tatame ñaiye ka embepeme wahri lalme kitikin.

<sup>3</sup> O ñaiye poi ya mende worhos ende ñaiye ta wusyunde wusyep poi pe, poi ya monorh mwah moto mut worhos uku pe, ka uhyulme hos uku gunde ñaiye poi masande ta wil. <sup>4</sup> Topo e ñoihyeryembe yilme loubil pinip, ñai uku pupwa ñembere sekete, kom ñupe ñaiye miye ñaiye ñenenem loubil pinip uku narpe stia ñalalai pe, loubil pinip embere uku nal gande ñasande kin.

<sup>5</sup> Te ñoihyeryembe mut pe, ki pupwa malaih. Kom ki ñanange wusyep sye pe, ki nihe sekete. Ki ñahilyeh ta e nih sukwilip malaih ende ñaiye tatame ka timbe ono syipsyap tinginde ñembere.

<sup>6</sup> Mut poi pe, ki ta e ñaiye nih pe, ki kasar nih tikin hel. Wahri lombo luku pe, ki ñende ñai e ñai e pupwa ñende yumbune laip poi, topo e marp gwahilyeh poi.

<sup>7</sup> Poi miye si mamba e yowor telpei ta e njinjet, hwanj topo e naj e naj e naje yarp njoloh pinip mate bepeteme ta e yowor nemberlei.

<sup>8</sup> Kom yukur tatame naje lahmende kin ka si enge mut kin osokome naj e naj e naje pupwa, pakai. Kin papararme naj e naj e pupwa wondohe tatame naje ka onombe miye ka ole.

<sup>9</sup> Poi menge mut mahra e nanj tikin Lahmborenge topo e Yai poi mi e pe, poi plihe manange wusyep pupwa naje ka ongomb lenge to tatai naje Got si njende tinge njahilyeh ta e kitikin.

<sup>10</sup> Mut njilyeh uku pe, yip yahra e nanj tikin Lahmborenge mi e pe, yip plihe yanange wusyep pupwa. Lenge to tatai nam, yukur pa yende tu e luku, na pakai!

<sup>11</sup> Pinip naje nase hwate tas pe, yukur ka nehe topo e wondohe, pakai.

<sup>12</sup> Njip yukur tatame naje ka se tenji yah esep, pakai. Pinip nehe yukur ka se plihe imbilme el sepele, pakai. Ta e luku pe, mut poi ya mininge wusyep naje ka bwore ilyehme.

### *Noihmbwaip njumwaiye natme Lahmborenge*

<sup>13</sup> Naje miye ende nasande teke e kin bwore mi supule pe, ka tule kitikin topo e orp njumwaiye ende naj e naj e bwore naje lenge miye tuweinge ka yeteke e.

<sup>14</sup> Kom naje noihmbwaip yip solombe, topo e wim lal, topo e pa yahra e nanj yip ka si oto noihmbwaip yip pe, yukur pa yininge nange yip miye bwore, pakai.

<sup>15</sup> Njoihmbwaip pupwa najaiye ta e liki yukur natme Lahmborenge, pakai. Kom kin natme miye kekep e e najaiye gande njoihmbwaip tikin Satan.

<sup>16</sup> Njupe najaiye njoihmbwaip nihe, topo e njoihmbwaip solombe sai me kin pe, kin njahra e wachaih, topo e kin njende najai e najai e pupwa supule.

<sup>17</sup> Kom njoihmbwaip njumwaiye najaiye natme Lahmborenge pe, njendehei kin tinge jande njoiheryembe bwore prihe mi supule. Hoi kin, tinge yarp njoihmbwaip ilyeh topo e lenge mitinj sye, topo e tinge syumbe yarp njumwaiye. Tinge njoihginir, topo e tinge njoih mi mi lenge mitinj lalme. Tinge yarp tuwihme lenge mitinj lalme. Tinge yiyar e lenge mitinj lalme njahilyeh pe, yukur tinge hombo e.

<sup>18</sup> Lenge miye tuweinge najaiye yarp njoihmbwaip njumwaiye topo e lenge mitinj sye pe, ki ta e najaiye miye njenete najaisep tikin njoihmbwaip njumwaiye nal wah pe, najaisep ki tenjei bwore.

## 4

*Miye najaiye njende nihararme najai e najai e tikin kekep pe, kin wachaih tikin Got*

<sup>1</sup> Najimune nenge tuhwar topo e yarmbe natme yip? Tinge yase njoihmbwaip yip tip tas najaiye njoiheryembe najai e najai e kekep e e pe, tinge yende wondoh teketenge yende yumbune yip.

<sup>2</sup> Nin njasande najai e najai e najaiye nin sehei e pe, nin narmbe najaiye na amba e. Nin wim lal me najai e najai e lenge mitinj sye, kom yukur na amba e. Ta e luku pe, nin narmbe njende wondohe najaiye na amba e najai e najai e tinge. Kom yukur nin namba e. Detale, yukur nin njisilihme Got, najaiye ka yule.

<sup>3</sup> Yip yisilihme Got ηaiye ka yul yip ηai e ηai e, kom yukur tatame ηaiye ka yul yip ηainde. Detale, ηoihmbwaip yip pupwa. Nai e ηai e ηaiye yip yisilih pe, yip yisande ηaiye ka ungwisme yip tip.

<sup>4</sup> Yip mitiη ηaiye yende niη pinip yar pe, yip pa sisysteme na, ηupe ηaiye yip ηemei tikin kekep e e pe, yip wachaih tikin Got. Nam plihe da mini yip na, ηaiye yip pa hriphrip me ηai e ηai e tikin kekep e e pe, yip yukur ηemei tikin Got, pakai.

<sup>5</sup> Yip ηoihyeryembe nange wusyep mise ηaiye sai nato Tup tikin Got ηanange na, Yipihinge bwore ηaiye Got pwal poi pe, Got ηende nihararme poi ta e ηaiye miye ηende nihararme tuwei kin, kom kin ηoihmbwaip pupwa ηaiye tuwei ti wim lal me miye ende.

<sup>6</sup> Kom Got ηoihginirme poi ηembere sekete. Ta e ηaiye wusyep tikin Lahmborenge ηanange, Got kin tale lenge miye tuweinge nangah ηaiye tinge ka yahra e nan tititinge yil yunuh, kut kin ηoihginirme lenge miye tuweinge ηaiye tale tititinge yarp ηumwaiye.

<sup>7</sup> Yip pa yurp tuwihme Got pe, yenge wahri yip yosokome Satan no, kin ka girnge el wohe.

<sup>8</sup> Yip lenge miye tuweinge yil sehei me Got no, kin ka ot sehei me yip. Yip lenge mitiη pupwa, jinyenme ηoihmbwaip pupwa yip no, ηoihmbwaip yip ka bwore bwarme tu e ηaiye miye nungurhme syep kin no, kin ka bwore prihe. Yip miye ηaiye ηoiheryembe hoi hoi, yip pa jinyenme ηoiheryembe pupwa yoto ηoihmbwaip yip.

<sup>9</sup> Yip pa ɲoih mane ɲai e ɲai e pupwa ɲaiye yip yende yanar kekep e e pe, yip pa yilil. Pa bunjenge ɲoihmbwaip yip ɲaiye hriphrip pe, pa yilil me pupwa yip.

<sup>10</sup> Yurp tuwihme Yai Got pe, kin ka ahra e naɲ yip.

*Yukur na ihyulme gonome to tatai ende, na pakai*

<sup>11</sup> Yukur na ihyulme gonome to tatai ende, topo e na iyar e kin, na pakai. ɲupe ɲaiye na ende pe, ki ta e ɲaiye nin ɲanange wusyep pupwa me wusyep erɲeme. Kom yukur wah nin ɲaiye na iyar e wusyep erɲeme ɲaiye mise, lakai hombo e. Wah nin ɲaiye na ende gunde.

<sup>12</sup> Got miye esep ilyeh ɲaiye kin ka pul poi wusyep erɲeme kin, topo e kin ɲilyehe sai ɲaiye ka usyunde eteke e ɲoihmbwaip lenge miye tuweinge ilyeh ilyeh. Kin ɲilyeh uku tatame ɲaiye ka ungwisme poi, o ka ende yumbune poi. O nin ɲoiheriyembe nange nin miye ɲaiye tatame na iyar e to tatai nin ende lakai? Pakai supule!

*Yukur pa tengelyem yahra e naɲ yip tip me wah embere ɲaiye yip de pa yende*

<sup>13</sup> Yusyunde wusyep ɲam! Yip lenge mitiɲ sye ɲaiye yanange ta e le e na, “Tukwini lakai minde, ɲam ma mil moi ende mil pe, ma murp moi uku wahtaip ende supule pe, ma mende wah wuhyau ende ɲaiye ma mamba e wuhyau yohe.”

<sup>14</sup> Kom nin yukur sisysteme ɲaimune ɲaiye minde ka ot. Laip nin ki sai ta e la? Ki ta e ɲaiye nihnom. Kin ɲanah nal sikirp sai ta e liki pe, kin plihe mi e.

<sup>15</sup> Na ininge tu e le e na, “Ŋaiye Got ka isyunde, ya murp laip pe, ya mende ŋai e ŋai e ŋaiye poi masande ya mende.”

<sup>16</sup> Ta e luku pe, yip tengelyem yahra e nan yip tip me wah embere ŋaiye yip de pa yende. Kom tengelyem ta e luku pe, ki pupwa supule.

<sup>17</sup> Ta e luku pe, ŋaiye yip si sisyeme ŋaimune bwore ŋaiye yip de pa yende, kom yukur yip yende pe, yip si yende pupwa yal ŋembep tikin Got.

## 5

### *Wusyep ernjeme nal me lenge miye lowe*

<sup>1</sup> Yip miye lowe, yusyunde wusyep ŋam! Yip pa yilil ŋembere sekete, topo e pa ŋoih mane. Detale, yip pa ŋoiheryembe mane embere ŋaiye mindemboi ka otme yip.

<sup>2</sup> Ŋai e ŋai e ŋembere ŋembere yip mindemboi ka pupwa gernjen, topo e hihiyilih bwore bwore yip lenge hiraŋ ka yotombo yende yumbune.

<sup>3</sup> Wuhyau ŋembere ŋembere yip mindemboi waimbe, topo e belnjeh ka ende. Pe waimbe luku mindemboi ka ende pupwa yip ka tus halhale, topo e ka ono wahri yip tu e nih. Tukwini le e ŋaiye nin birme ŋai e ŋai e wula wula ŋanar pe, mindemboi ŋaiye ŋup yuwo, ka sasambe ŋai e ŋai e pupwa nin uku el halhale.

<sup>4</sup> Yusyunde! Lenge miye wah ŋaiye talame ŋai yoto wah yip pe, yip hombo e yeh lenge pe, yip ŋoih jahme yitini tinge sye . Kom Lahmborenge ŋaiye bongol supule, kin si ŋasande ŋilil tinge.

<sup>5</sup> Njupe ηaiye yip yarp kekep e e pe, yip yende ηai e ηai e bwore bwore ηaiye ka ungwisme yip tip pa yurp bwore. Yip yono ηai bwore bwore de pe, wahri yip si tenenem pe, yip ta e hro ηaiye miye nangange ηai embere sekete pe, mindemboi ka yonombe ka ole. Ka ηahilyeh tu e ηaiye ηup yuwo no, Got ka yumbip pa yule.

<sup>6</sup> Yip si yinei lenge miye ηaiye bwore bwarme, topo e yip yongomb lenge pe, tinge yule. Pe tinge yukur tatame ka yengelyembe bongol yip, topo e ka yungwisme louser yip, pakai.

*Syumbe yurp ηumwaiye yeseperhme  
Lahmborenge ηaiye ka ot*

<sup>7</sup> Lenge to tatai ηam, yip pa syumbe yurp ηumwaiye yeseperhme Lahmborenge yil tutume ηaiye kin ka ot. Yeteke e miye tehei wah ende. Kin narp ηumwaiye ηeseperhme ηau topo e ηisih ka ende wah kin, ηaiye ηaisep ka tehei.

<sup>8</sup> Yip topo e syumbe yurp ηumwaiye. Yurpe gare bilip yip yenge gare si. Sehei woh ηaiye Lahmborenge kin ka ot.

<sup>9</sup> Lenge to tatai ηam, yukur pa yurmbe tuhwar yile yut yip tip. Nohime miye ηaiye ka iyar e pupwa lenge miye tuweinge gan tas kohmap.

<sup>10</sup> Lenge to tatai ηam, te ηoheryembe yil lenge profet ηaiye somohon yanange wusyep tikin Lahmborenge. Lenge wachaih yende yumbune tinge, kom tinge yende bongol yikirh mane. Yip pa yikirh mane tu e ηaiye tinge yikirh pe, pa syumbe yurp ηumwaiye.

<sup>11</sup> Poi mahra e nan lenge miye ηaiye yende bongol yikirh mane. Yip si yisande wusyep me Job. Kin miye ηaiye ηende bongol nikirh mane ηaiye natme kin pe, kin gande Got ηaiye ηende mi me kin. Hei, poi sisyeme, Lahmborenge ηoihginirme poi ηembere sekete pe, nye nyermbe kin ηoih mi mi me poi.

<sup>12</sup> Lenge to tatai ηam, wusyep e e ki bongol tahar e wusyep lalme. Nohime ηaiye pa tengelye wusyep yil no, pa yininge bwore mise nanah moihla, topo e na gah kekep, ηaiye yende bongolme wusyep yip, na pakai. Nhaiye pa yininge nange mise pe, luku sekei tatame. Nhaiye pa yininge nange pakai pe, luku sekei tatame. Nhaiye yukur pa junde pe, Got se ka yul yip nihe syohe.

<sup>13</sup> O ηaiye lahmende yip ka amba e syohe pe, kin ka isilihme Got ηaiye ka ungwisme kin. O ηaiye lahmende yip ka hriphrip pe, ka osoko wenersep elme Lahmborenge.

<sup>14</sup> Nupe ηaiye lahmende yip ηaiye ηende wahri epwa pe, pa yamba e lenge miye yembepeme sios yenge yut pe, ka yisilihme Lahmborenge, topo e yuru e pinip winye juh kin jil nan tikin Lahmborenge ηaiye ka ende mi e wahri epwa luku.

<sup>15</sup> Ta e luku pe, tinge ka ηoihyeryembe yilme Lahmborenge no, ka yisilihme kin pe, Lahmborenge ka ahra e kin ηaiye ka ende mi me wahri epwa kin. Topo e ηaiye kin si ηende hwap sye pe, Lahmborenge se ka ongohe pupwa kin uku.



<sup>16</sup> Ta e luku pe, yininge yowor e yember pupwa ηaiye yip yende yile yut yip tip. Topo e yisilihme Lahmborenge ηaiye ka ende mi me wahri epwa yip. ηaiye miye bwore bwarme, kin ηisilihme Got pe, ηisilih kin uku bongol ηembere sekete pe, ki tatame ηaiye ka ungwisme lenge mitiη.

<sup>17</sup> Elisa, kin miye ηahilyeh ta e poi lalme, kom kin ηisilihme Got bongol supule nange yukur tatame ηaiye ηisih ka guh. Pe bwore mise, ηisih yukur gah, ki sai nal tatame wahtaip hun wundehei syepumbur ilyeh.

<sup>18</sup> Wahtaip hun wundehei syepumbur ilyeh nal mi e pe, kin plihe ηisilihme Lahmborenge pe, Lahmborenge ηember ηisih nat pe, ηai e ηai e lalme ηaiye sai kekep plihe gere ηanah.

<sup>19</sup> Lenge to tatai ηam, ηaiye Kristen miye ende nengelyembe wusyep mise tikin Lahmborenge no, kin nal wohe pe, miye yip ende ka plihe amba e kin enge ot.

<sup>20</sup> Pa sisyeme tu e le e, lahmende ηaiye nungwisme miye ηaiye ηende pupwa nenge nat yanah bwore pe, luku kin nungwisme yipihinge kin ηaiye yukur ka ole. Ta e luku pe, Got se ka ongohe pupwa wula wula.

**Wusyep Bwore tikin Got**  
**The New Testament in the Urat language of Papua New**  
**Guinea**  
**Nupela Testamen long tok ples Urat long Niugini**

copyright © 2016 Wycliffe Bible Translators, Inc.

Language: Urat

Dialect: Yehre

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-12-22

---

PDF generated using Haiola and XeLaTeX on 18 Apr 2025 from source files dated 31 Aug 2023

b1232770-1b46-5621-8804-a5f6c65fee26